

FLETËUDHËZUES I PAKETIMIT: Informacion për pacientin

MELIOEKO

Krem – 1%
(Ekonazol nitrat)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

1. Çfarë është Melioeko dhe përse përdoret?
2. Përpara se të përdorni Melioeko
3. Si ta përdorni Melioeko?
4. Efekte anësore të mundshme
5. Si ta ruani Melioeko?
6. Informacion i mëtejshëm.

1. ÇFARË ËSHTË MELIOEKO DHE PËRSE PËRDORET?

Melioeko përmban si lëndë vepruese ekonazol nitrat, i cili është një derivat i imidazolit me veprim antimykotik. Ai vepron mbi: *Candida albicans*, *Candida glabrata*, *Candida tropicalis*, *Candida parapsilosis*, *Candida pseudo-tropicalis*, *Candida krusei*, *Candida stellatoidea*, *Trichophyton rubrum*, *Trichophyton mentagrophytes*. Ekonazoli fiksohet në mënyrë përgjeshëse mbi citokromet P-450 dhe pengon sintezën e membranës. Rastet e rezistencës janë të rralla. Përthithja e ekonazolit nitrat është e vogël kur ai përdoret në lëkurë ose në vaginë. Pas aplikimeve të përsëritura të kremit ose ovulave, përthithja sistemike e lëndëve vepruese nga mucoza vaginale është rreth 1%. Kjo përqindje e ulët nuk jep probleme shpërndarjeje, metabolizimi e eliminimi.

Kremit gjinekologjik 1% indikohet në:

- trajtimin e mykozave gjenitale të shkaktuara nga mikrobe të ndjeshme ndaj ekonazolit;
- mykoza vulvo-vaginale, balanite mykotike.

2. PËRPARA SE TË PËRDORNI MELIOEKO

Mos përdorni Melioeko në qoftë se:

- keni mbindjeshmëri të njohur ndaj ekonazolit nitrat ose ndaj antimykotikëve të tjerë derivate të imidazolit, si dhe ndaj ndonjërit nga përbërësit e tjerë të kremit;
- jeni nën moshën 16 vjeç.

Tregoni kujdes të veçantë me Melioeko

Duhet të këshilloheni me mjekun ose me farmacistin tuaj përpara se ta përdorni këtë bar në qoftë se jeni duke përdorur një metodë kontrceptive "diafragma" sepse kremi vaginal mund të dëmtojë gomën dhe të ndalojë veprimin e këtij kontracepsioni. Duhet të flisni

me mjekun tuaj rreth përdorimit të një tipi tjetër kontracepsioni ndërsa ju jeni duke përdorur këtë bar. Kremit mund të shkaktojë një ndjesi djegieje dhe iritimi. Raste të shfaqjes së iritimit mund të ndikojnë një reaksion mbindjeshmërie dhe trajtimi me barin duhet ndërprerë. Kremit gjinekologjik duhet të aplikohet edhe në zonat jashtëvaginale dhe tek partneri. Përdorimi për një kohë të gjatë mund të shkaktojë mbivendosjen e mikroorganizmave të tjerë jo të ndjeshëm ndaj barit. Me shfaqjen e mbiinfeksioneve, bari duhet ndërprerë.

Marrja e barnave të tjera

Trajtimi i njëkohshëm me barna të tjera mund të ndikojë ose të ndikohet nga Melioeko. Ju lutemi të kontaktoni me mjekun ose farmacistin tuaj në qoftë se jeni duke marrë / përdorur ose keni marrë / përdorur kohët e fundit barna të tjera, përfshirë ato të marra pa recetë. Mos harroni të informoni mjekun tuaj për trajtimin me Melioeko në qoftë se ju jepet ndonjë bar tjetër gjatë trajtimit. Është veçanërisht e rëndësishme që mjeku juaj të jetë në dijeni të faktit që ju jeni duke u trajtuar me barna holluese të gjakut (antikoagulantë) të tillë si varfarina ose acenokumaroli.

Shtazënia dhe ushqyerja me gj

Kërkoni këshillën e farmacistit ose të mjekut përpara se të përdorni këtë bar në periudhën e shtazënisë ose gjatë periudhës së ushqyerjes së fëmijës me gj. Gjatë shtazënisë, dhe veçanërisht në tremujorin e parë, bari nuk duhet të përshkruhet.

Informacione të rëndësishme mbi disa nga

lëndët ndihmëse të Melioeko

Ky krem përmban acid benzoik, i cili është lehtësisht irritues për lëkurën, sytë dhe membranat mucoze.

3. SI TA PËRDORNI MELIOEKO

Gjithmonë përdoreni këtë bar ekzaktesisht si ju ka thënë mjeku juaj. Ju duhet të këshilloheni me mjekun ose farmacistin tuaj në qoftë se nuk jeni të sigurt. Kremit futet në thellësi të vaginës me anën e një aplikatori të përshtatshëm, në pozicionin shtrirë. Përdoret një aplikator i mbushur me krem për 15 ditë, çdo darkë, para gjumit. Në të njëjtën kohë duhet mjekuar edhe partneri seksual. Mjekimi do të vazhdojë edhe në rast se shenjat subjektive (të kruara, sekrecione vaginale) zhduken, në mënyrë që të parandalohet ripërsëritja.

Në qoftë se keni përdorur më shumë Melioeko

Në qoftë se keni përdorur më shumë Melioeko se sasia që duhet, ose në qoftë se fëmijët e kanë marrë gabimisht këtë bar, ju lutemi të kontaktoni me mjekun tuaj, spitalin, ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren.

Në qoftë se harroni të përdorni Melioeko

Në qoftë se harroni një dozë (ose më shumë dozë), përdorni dozën në vazhdim kur të jetë koha për përdorimin e zakonshëm të saj. Mos përdorni një dozë të dyfishtë (ose më të lartë) për të plotësuar dozën (dozat) e harruar(a). Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

4. EFEKTE ANËSORE TË MUNDSHME

Si të gjitha barnat e tjera, Melioeko mund të shkaktojë efekte anësore, megjithëse jo çdokush i manifeston. Ndonjëherë ato janë serioze, ndonjëherë jo. Mos u alarmoni nga kjo listë e efekteve të mundshme anësore. Mund të mos ju shfaqet asnjë prej tyre. Në fillim të mjekimit mund të shfaqet një ndjesi djegieje dhe iritimi vaginal, si dhe krampe pelvike, ekzantema dhe dhimbje koke. Në këto raste është e nevojshme që mjekimi të ndërpritet dhe të fillohet një mjekim tjetër i përshtatshëm. Në qoftë se ndonjë prej efekteve anësore përkeqësohet, ose në qoftë se vëreni efekte anësore që nuk përmenden në këtë fletëudhëzues, ju lutemi të lajmëroni mjekun ose farmacistin tuaj.

5. SI TA RUANI MELIOEKO

Mbajeni larg fëmijëve. Mos e përdorni Melioeko pas datës së skadencës e cila është e shënuar në paketim. Mos e ruani mbi 25°C. Ruajeni në paketimin original për ta mbrojtur nga drita.

6. INFORMACION I MËTEJSHËM

Çfarë përmban kremi Melioeko 1%

Lënda aktive është Ekonazol nitrat.

1 g krem përmban 10 mg ekonazol nitrat.

Lëndët ndihmëse janë: stearat makrogoli, glicerol oleat makrogoli, vaj parafine, esencë livando, acid benzoik, dietilenglikol monoetil eter, ujë i pastruar.

Përbajtja e paketimit

Kuti me 1 tub 30 g, shoqëruar me aplikator.

Mbajtësi i Autorizimit për Tregtim dhe Prodhuesi:



PROFARMA sh.a.,
Rruga "Skënder Vila",
Tiranë, Shqipëri.
Tel.: +355 4 23 89 602

Ky fletudhëzues u rishikua për herë të fundit në Nëntor 2023.

PAY ATTENTION, all the layers are visible.

If you have to print this document please check or uncheck the specific layers.

